

სამკერვალო ნაწარმის ხარისხის მართვის სპეციალისტი 040959
პროფესიული სტანდარტი

I. სფეროს აღწერა

სამკერვალო ნაწარმის ხარისხის მართვის სპეციალისტი ინჟინერიის მიმართულების, სამრეწველო ინჟინერიისა და ტექნოლოგიის დარგის კვალიფიკაციაა. სამკერვალო ნაწარმის ხარისხის მართვის სპეციალისტის საქმიანობა განისაზღვრება არამარტო სამკერვალო საწარმოებში გამოშვებული პროდუქციის ხარისხის კონტროლით, არამედ ყველა იმ სამუშაოების და პროცესების ხარისხის მართვის კონტროლით, რომელიც აუცილებელია დამკვეთის მოთხოვნის გათვალისწინებით სტანდარტული სახის ნაწარმის მისაღებად. მისი ფუნქციაა გამოავლინოს სტანდარტიდან გადახრის მიზეზები და ტექნოლოგიურ პროცესში აქტიურად ჩარევის გზით გამოასწოროს აღმოჩენილი ხარვეზები. მსუბუქი მრეწველობის სამკერვალო საწარმოების მიერ გამოშვებული პროდუქციის ხარისხის მართვის კონტროლი შეუძლებელია სამკერვალო ნაწარმის ხარისხის მართვის სპეციალისტის მონაწილეობის გარეშე, რომელსაც ევალება არამარტო პროდუქციის ხარისხის შემოწმება, არამედ რეკომენდაციების გაწევა ხარისხიანი შესაკერი მასალების და ფურნიტურის, მანქანებისა და დამატებითი მოწყობილობების შესარჩევად.

II. დასაქმების სფერო

სამკერვალო ნაწარმის ხარისხის მართვის სპეციალისტი შეიძლება დასაქმდეს მსუბუქი მრეწველობისა და სერვისის სამკერვალო საწარმოებში, მოდისა და დიზაინის კომპანიებში, სამეცნიერო და კვლევითი ორგანიზაციების ლაბორატორიებში, ყველა იმ სამკერვალო საწარმოში, სადაც იქმნება სამკერვალო ნაწარმი.

III. დამატებითი მოთხოვნები

პრაქტიკის მასწავლებელს უნდა ჰქონდეს პროფესიით მუშაობის არანაკლებ 3 წლის გამოცდილება.

IV. საგანმანათლებლო პროგრამა და კვალიფიკაცია

სამკერვალო ნაწარმის ხარისხის მართვის სპეციალისტის პროფესიული განათლება არის ერთსაფეხურიანი (III). საფეხურისთვის შემუშავებულია შესაბამისი პროფესიული საგანმანათლებლო პროგრამა, რომლის დასრულების შემდეგ კურსდამთავრებულს ენიჭება მესამე საფეხურის პროფესიული კვალიფიკაცია და გაიცემა პროფესიული დიპლომი.

სამკერვალო ნაწარმის ხარისხის მართვის სპეციალისტის მესამე საფეხურის პროფესიული საგანმანათლებლო პროგრამა მოიცავს არანაკლებ 45 კრედიტს, აქედან კრედიტების მინიმუმ 40% ეთმობა პრაქტიკას. კურსდამთავრებულს ენიჭება სამკერვალო ნაწარმის ხარისხის მართვის სპეციალისტის მესამე საფეხურის პროფესიული კვალიფიკაცია და გაიცემა შესაბამისი პროფესიული დიპლომი.

V. სამკერვალო ნაწარმის ხარისხის მართვის სპეციალისტის პროფესიულ კვალიფიკაციათა აღმწერი

სამკერვალო ნაწარმის ხარისხის მართვის სპეციალისტის მესამე საფეხურის პროფესიული კვალიფიკაციის აღმწერი

<p>ცოდნა და გაცნობიერება</p>	<p>აქვს სფეროსათვის დამახასიათებელი ძირითადი ფაქტების, პრინციპების, პროცესების და ზოგადი კონცეფციების ცოდნა. აცნობიერებს გართულებული ამოცანების შესასრულებლად აუცილებელ ნაბიჯებს.</p>	<p>იცის:</p> <ul style="list-style-type: none"> • პროდუქციის ხარისხის მაჩვენებელთა სისტემა და მათი შეფასების მეთოდები; • პროდუქციის ხარისხის მაჩვენებლების ნომენკლატურა (თვისებათა მახასიათებელი), კერძოდ: ტექნოლოგიური, სტანდარტიზაციის და უნიფიკაციის ხარისხის, ერგონომიკის ხარისხის, ესთეტიკური, ეკოლოგიური, უსაფრთხოების, ეკონომიკური, ნორმატიული და საპატენტო-სამართლებრივი მაჩვენებლები; • ხარისხის მაჩვენებლების განსაზღვრის და პროდუქციის დონის შეფასების მეთოდები, ხარისხის უფრუნველყოფის კერძო და საერთო ფაქტორები; • სამკერვალო ნაწარმის კერვის ტექნოლოგია, კერვის პროცესში გამოყენებული მასალები, მასალის სახეობის გათვალისწინებით დასაშვები გადახრები, ქსოვილის სიმტკიცისა და ჭიმვადობის, სიგრძისა და სიგანის უთანაბრობის განსაზღვრა, კერვის პროცესში მიღებული წუნები, ტანსაცმლის სიგრძისა და სისრულის მაჩვენებელი შკალა, ქსოვილის ხარისხიანობის განსაზღვრისათვის გამოყენებული საბალო სისტემა და სხვა; • ძაფისა და ნაკერის სტანდარტული მაჩვენებლები; • ქსოვილების ასორტიმენტი; • ნაწარმის მოდელირებისა და კონსტრუირების საკითხები, თარგების აგების თანმიმდევრობა; • საკერავი მანქანის სპეციფიკაციის წაკითხვა, მანქანის ინსტრუქცია, მასზე შესაცვლელი სათადარიგო ნაწილების ზუსტი ნომრები და დამატებითი მოწყობილობების გამოყენების შესაძლებლობები. • ნაკერებისა და გვირისტების ექვსი ძირითადი კლასის ASTM 6193 სტანდარტული მაჩვენებლები; • საკერავი მანქანის კლასიფიკაცია; • საკერავი მანქანის დაზეთვის სისტემას; • მანქანის მუშაობისას სხვადასხვა მიზეზებით გამოწვეული წუნები; • საკერავი მანქანის ნემსებისა და ძაფების ასორტიმენტი;
-------------------------------------	---	---

		<ul style="list-style-type: none"> • ხარისხის მართვაში გამოყენებული საერთაშორისო სტანდარტები; • მექანიკოსის მუშაობისათვის აუცილებელი იარაღები და ხელსაწყოები. აცნობიერებს წამოჭრილი პრობლემის სირთულეებს და მათი გადაჭრის გზებს.
<p>ცოდნის პრაქტიკაში გამოყენების უნარი</p>	<p>შეუძლია გამოიყენოს სფეროს სპეციფიკისათვის დამახასიათებელი უნარების ფართო სპექტრი. შეაფასოს დავალების შესასრულებლად სხვადასხვა მიდგომები, შეარჩიოს და მიუსაგადოს სათანადო მეთოდები, ინსტრუმენტები და მასალები.</p>	<p>შეუძლია:</p> <ul style="list-style-type: none"> • სამკერვალო ნაწარმის ხარისხის განსაზღვრა უახლესი მეთოდების გამოყენებით; • ქსოვილის, ფურნიტურისა და სხვა მასალების ხარისხიანობის დადგენა; • ქსოვილის, ფურნიტურის, ძაფების და ნემსების სწორად გამოყენების შეცნობა; • სამკერვალო ნაწარმის და მასში გამოყენებული მასალების ხარისხის შემოწმება, როგორც საწარმოო პროცესების სტადიების მიხედვით, ასევე სავაჭრო ქსელში გატანის შემთხვევაში; • სამკერვალო ნაწარმის ხარისხის მართვისა და კონტროლისათვის სტატისტიკური მეთოდების გამოყენება, ჰისტოგრამისა და პარეტოს დიაგრამის აგება; • პროდუქციის ხარისხის შესაბამისობის შემოწმება სერთიფიკაციით მიღებულ მაჩვენებლებთან; • ოპერატორისა და მექანიკოსის მიერ შესრულებული სამუშაოს მიხედვით მათი კვალიფიკაციის შემოწმება; • მანქანის სიჩქარის ცვლილებებით გამოწვეული გვირისტულის ბიჯის ხარვეზების ამოცნობა; • მიღებული ცოდნის გამოყენებით დამოუკიდებლად შესასრულებელი სამუშაოების შეფასება, შესრულების გეგმის წინასწარ დასახვა და მისი შესრულება; • საჭიროების შემთხვევაში პროდუქციის ხარისხის განმსაზღვრელი შესაბამისი ხელსაწყოებისა და მოწყობილობების გამოყენება; • დასმული ამოცანის შედეგების შესაფასებლად მათემატიკური სტატისტიკის მეთოდებისა და სანდო ინფორმაციის წყაროების გამოყენება; • საკუთარი პროფესიული საქმიანობის მართვა.
<p>დასკვნის უნარი</p>	<p>შეუძლია განსხვავებულ სიტუაციებში წარმოქმნილი პრობლემების გადასაჭრელად ინფორმაციის ცნობილი წყაროებით სარგებლობა, მათი შეფასება და ანალიზი.</p>	<p>შეუძლია:</p> <ul style="list-style-type: none"> • სამკერვალო ნაწარმის ხარისხში არსებული პრობლემების გადასაჭრელად და დავალების წარმატებით შესასრულებლად კომპეტენტური წყაროების

		<p>გამოყენება;</p> <ul style="list-style-type: none"> • კრიტიკული მომენტების იდენტიფიცირება; • მიღებული ინფორმაციის ანალიზის გაკეთება და შესაბამისი დასკვნების გამოტანა; • სამკერვალო ნაწარმის მასალებში და კერვის ტექნოლოგიაში არსებული ხარვეზების ამოცნობა, მათი აღწერა, სტანდარტის გათვალისწინებით გაფორმება, ხარისხის გამოსწორებისათვის ალტერნატიული გზების განსაზღვრა და დასაბუთებული დასკვნების გაკეთება; • მიღებული შედეგების ანალიზის საფუძველზე რეკომენდაციის გაწევა სამკერვალო ნაწარმის კერვის საწარმოებისთვის ხარვეზების აღმოსაფხვრელად და ხარისხის გასაუმჯობესებლად; • ამოცანის წარმატებით შესრულების შემთხვევაში მიღებული ცოდნის დანერგვა სამუშაო პრაქტიკაში.
<p>კომუნიკაციის უნარი</p>	<p>შეუძლია ზეპირი და წერილობითი კომუნიკაცია პროფესიასთან დაკავშირებულ საკითხებზე განსხვავებულ სიტუაციებში. ეფექტიანად იყენებს პროფესიულ საქმიანობასთან დაკავშირებულ საინფორმაციო და საკომუნიკაციო ტექნოლოგიებს. შეუძლია უცხოური ენის პრაქტიკული გამოყენება.</p>	<p>შეუძლია:</p> <ul style="list-style-type: none"> • ქართულ და უცხოურ ენაზე მიღებული პროფესიული ინფორმაციის დამუშავება, გააზრება, გაცვლა; • ზეპირი და წერილობითი კომუნიკაცია თანამშრომლებთან და ხელმძღვანელებთან სამკერვალო ნაწარმის ხარისხის და მასში აღმოჩენილი პრობლემების მოგვარების შესახებ; • ტექნიკური და ტექნოლოგიური ხასიათის სპეციფიკური ამოცანების გადასაჭრელად უახლესი საინფორმაციო და საკომუნიკაციო ტექნოლოგიების გამოყენებით ინფორმაციის მოპოვება; • უცხოურ ენაზე პროფესიული ინფორმაციის მოპოვება, დამუშავება, საქმიანი კონტაქტების დამყარება, ინფორმაციის ანალიზი და მუშაობაში გამოყენება.
<p>სწავლის უნარი</p>	<p>შეუძლია წინასწარ განსაზღვრული ამოცანების ფარგლებში საკუთარ სწავლაზე პასუხისმგებლობის აღება.</p>	<p>შეუძლია:</p> <ul style="list-style-type: none"> • ხარისხის მართვის შეფასების მეთოდებისა და პროდუქციის ხარისხის კონტროლის თეორიული საფუძვლების დამოუკიდებლად შესწავლა და მისი პრაქტიკაში გამოყენება; • პირადი ინტერესების გათვალისწინებით, იმავე ან მონათესავე სპეციალობის მიმართულებით, მაღალ საგანმანათლებლო საფეხურებზე სწავლის გაგრძელების შესაძლებლობის წინასწარ განსაზღვრა.

ღირებულებები	განსხვავებულ სიტუაციებში მოქმედებს პროფესიული საქმიანობისთვის დამახასიათებელი ღირებულებების შესაბამისად.	<ul style="list-style-type: none">• იცნობს და იცავს პროფესიული საქმიანობისათვის დამახასიათებელ ღირებულებებს;• საგანგებო რეჟიმში მუშაობის დროსაც არის გაწონასწორებული, მობილიზებული;• არის მოწესრიგებული, პუნქტუალური, ორგანიზებული, პრინციპული.
---------------------	--	---